


Kang Kinsa Ba Ikaw Magsalig?

ANG MATUUD NGA PAGLAUM SA USA KA NASOD

(Visayan Version)

R. B. THIEME, JR.



With permission of R. B. Thieme, Jr., Bible Ministries,
this publication is distributed in the Philippines
by Grace Logos Support Philippines, Inc.,
without charge or obligation.

For more information text or call:
(*Gihatag pinaagi sa GLSP nga walay bayad o obligasyon.*
Para sa dugang pang kasayuran text o tawag:)
email: jersal1978@yahoo.com (Visayan)
Smart: 0998-845-2964 (Visayan)
Smart: 0908-236-1434 (Ilonggo)

The electronic version of this book can be read or downloaded
through the Internet address <https://www.gracelsp.ph>.
(*Ang elektroniko nga bersiyon niini nga libro mahimong mabasa o mabalhin ang datos*
pinaagi sa Internet adres nga <https://www.gracelsp.ph>.))

Ang desinyo sa hapin nagahulagway
sa ispekto sugod sa kaligdong hangtod
sa pagkadunot nga nagadagan sa
mga liyok-sa-panahon diha sa matag
sibilisasyon sa tanang-bahin sa ka-
saysayan: ang pagsaka gikan sa ka-
ulipnan ngadto sa kagawasan ug ang
paghibalik ngadto sa kaulipnan. Ang



matag pigura nagarepresentar sa napulo-ka-pulong nga paghulagway ni
Dekano Clarence Manion bahin sa liyok sa sibilisasyon. Ang pagsaka
gikan sa *kaulipnan* nagasugod pinaagi sa *espirituhanong pagtoo* gikan
sa pipila, ilang pagtoo ug kinatas-ang kompiyansa diha sa persona ni
Ginoong Jesu-Kristo. Kining pivot sa mga magtotoo nagabubu sa nasod
uban sa *kaisog*, sa pagkaandam sa pagtahan sa ilang mga kinabuhi,
ilang mga bahandi, ug sa ilang sagradong kadunggan alang sa pag-
angkon sa *kaugalingnan* ug kagawasan. Ang kagawasan nagatimon sa
usa ka nasod paingon sa kinapungkayan sa kauswagan, sa kinatas-ang
kamadagayaon, sa oportunidad alang sa pagwali-sa-ebanghelyo, ug
pagpasiugda sa divine nga katukuran—usa ka sinaligang nasod sa Dios.
Apan uban sa kamadagayaon, usa ka kausaban. Dios, ang tinubdan sa
tanang panalangin, nahikalimtan. Ang naglugsong nga liyok nagakunhod
patiubus lahus sa *pagkahakogan*, *kawalay-pagpakabana*, *kawalay-
pagbati*, *pagkamaagaron*, ug sa katapusan pagkaut-ut sa hingpit, balik
sa *kaulipnan*. Ang bugtong paglaum alang sa pagkab-ot ug pagpabilin sa
kinapungkayan sa tawhanong pagkinabuhi mao ang pagbaton sa pagtoo
ug pagsalig diha sa buhi nga paglaum, ang Ginoong Jesu-Kristo.

KANG KINSA BA IKAW MAGSALIG?

ANG MATUUD NGA PAGLAUM SA USA KA NASOD

R. B. THIEME, JR.



R. B. THIEME, JR., BIBLE MINISTRIES
HOUSTON, TEXAS

PALISIYA SA PINANSIYAL

Wala gayuy bayad alang sa bisan unsang materyal gikan sa R. B. Thieme, Jr., Bible Ministries. Bisan-kinsa nga nagatinguha og pagtulonan sa Bibliya makaangkon sa among mga publikasyon ug audio ug video nga walay obligasyon. Dios ang nagasangkap sa doktrina sa Bibliya. Tinguha namo sa pagpadayag sa Iyang grasya.

Ang R. B. Thieme, Jr., Bible Ministries usa ka ministeryo sa grasya ug nagalihok sa hingpit ubus sa boluntaryong mga kontribyusyon. Kon ang kamapasalamaton alang sa Pulong sa Dios nagapadasig sa usa ka magtotoo sa paghatag, siya adunay pribilehiyo sa pagtabang alang sa pagsangyaw sa doktrina sa Bibliya.

Orihinal nga naimprinta isip *IN WHOM DO YOU TRUST?*

© 1996, 1993 ni R. B. Thieme, Jr. Tanang katungud gitagana.

Unang edisyon napatik niadtong 1993. Ikaduhang edisyon napatik niadtong 1996.

Ikatulong impresyon 2018.

Kini nga basahon napatik gikan sa mga pakigpulong ug wa-imantala nga mga sinulat ni R. B. Thieme, Jr.

Sa pag-order niini nga libro sa English, kontaka:

R. B. Thieme, Jr., Bible Ministries

P.O. Box 460829, Houston, Texas 77056-8829

www.rbthieme.org

Walay bahin niining publikasyon nga ipasanay o ipadala sa bisan unsang porma o sa bisan unsang pamaagi, elektroniko o mekanikal, lakip na ang seroks, rekord, o sa bisan unsang sistema sa pagtipig ug pag-abli sa inpormasyon, nga walay nakasulat nga pagtugot gikan sa tigmantala.

Napatik sa Tagbilaran City, Bohol, Philippines, 2021.

Gihubad ngadto sa Binisaya nga pinulongan ni Jerome L. Salutan.

Gitan-aw pagbalik nila ni Amado D. Carejo, David C. Vicoy ug Raflyn H. Salutan.

Gipatik nga may pagtugot sa R. B. Thieme, Jr., Bible Ministries.

Ang sunud nga pipila ka takna gipahinungud alang sa hilum nga pag-ampo. Ikaw adunay praybasi sa imong pagkapari, ang katungud sa pagrebound kon gikinahanglan alang sa pagsiguro sa pagpuno sa Espiritu alang sa pagsabut ug pagmetabolismo sa doktrina sa Bibliya. Ikaw usab adunay oportunidad sa pagpapas sa bisan-unsang gawas sa pagpalandong diha sa pagtulon-an sa Pulong sa Dios. Sa pagpangandam alang sa atong pagtoon, mag-ampo ta.

Labing maloloy-on nga Langitnong Amahan, kami magpasalamat Kanimo alang sa pribilihiyo sa pagkabinuligan sa lohistika dinhi, sa kalibutan sa yawa; ug alang sa pribilihiyo ug sa oportunidad sa pagtuman sa labing maukyabon ug talagsaong plano sa tibuuk tawhanong kasaysayan. Kami mapasalamaton nga kami nabuhi sulud sa Kapanahonan sa Simbahan ug wala gayud sa laing dispensasyon, diin kami gihatagan sa daghan kaayo, ug diin ang kamahinungdanon sa ordinaryong magtotoo walay sukad. Pag-ampo namo nga ang Dios nga Balaang Espiritu mohagit kanamo mahitungud niining mga butang diin kami magtimaan, kay kami mangamuyo niini sa ngalan ni Kristo. Amen.

Sa matag karon ug unya, kita sa makadiyot-mohunong tungud sa akong gitawag og pagsilsil-sa-alimpatakan alang sa pagpahimug-at og unsang-paagiha ang barahanong-pamatasan naporma. Usa sa tinubdan sa barahanong-pamatasan mao ang eskatolohiya, ang pagtoon sa umaabot nga panghitabo gikan sa bibliyanhong propesiya. Gikan niini nga kahibalo kita makaila ug makasabut nga ang tinubdan sa atong paglaum ug kalipay mao ang atong

nasiguro nga kaugmaon uban ni Ginoong Jesu-Kristo.

Panagsa ra ako motan-aw sa telebisyon, o sa balita, apan ako mitan-aw kagabii.¹ Gusto nakong makit-an ang duut-sa-katawhan didto sa kasaulogan sa inagurasyon. Ako nasayod nga ang mga pag-interbiyo sa medya diha sa katawhan taliwala sa panon mahimong mabutyagon. Adu-na gayuy hut-ong sa representante sa tanang katawhan gikan niining nasora nga nanambong sa inagurasyon. Halos wala gayuy eksepsiyon, ang matag-usa nga giinterbiyo mipadayag og susamang mga idiya. Ang uban larino, uban misulti nga may pagpanagana, uban adunay usa ka bahin sa kalibog, apan silang tanan sa katapusan mitumong diha sa usa ka pulong—paglaum. Ilang paglaum dili ang bibliyanhong paglaum gikan sa kompiyansa diha sa Ginoo ug diha sa Pulong sa Dios—ang kalihukan sa pagtoo-pahulay nga pagbansaybansay ingon nga usa sa pangsulbad-sa-problema nga kahimanan. Sa katibuk-an, ang ilang paglaum pinasikad diha sa ditinuud nga mga pagdahum—usa ka bag-ong nawong sulud sa White House, usa ka bag-ong administrasyon, usa ka politikanhong kausaban. Alang sa katawhan nga gipang-interbiyo, ang politikanhong kausaban mipasabut og daw bintaha alang kanila. Paglaum ang pulong nga ilang gigamit. Sila nagsalig diha sa gobyerno—usa ka gobyerno nga napakyas sa pagtuman sa iyang mga katungdanan ug mga obligasyon ug nakabaton sa kinadak-

1. Kining libroha usa ka hinashasan nga transkripto gikan sa usa ka wali nga gitudlo 20 Enero 1993 ni R. B. Thieme, Jr., isip Pastor sa Berachah Church, Houston, Texas. Ang mga reperensiya nga minarkahan og “NASB” maoy hinubad gikan sa New American Standard Bible. Kadtong minarkahan og “KJV” maoy hinubad gikan sa King James Version; kadtong minarkahan og “gikorihiang paghubad” maoy mga hinubad sa tagsulat nga nagrepresentar sa labing tukma sa orihinal Hebreyo ug Griyego nga mga teksto. Ang sinanggaang komentaryo nagatin-aw sa kahulugan, nagapadayag sa exegesis, o nagalambigit sa yugto diha sa umaabot nga hilisgutan. Mga pagrekord sa Bibliyanhong mga klase ang maangkon gikan sa R. B. Thieme, Jr., Bible Ministries, Houston, Texas.

ang utang sulud sa tawhanong kasaysayan. Sila nagsalig diha sa Kongreso, diha sa presidente, diha sa katawhan, diha sa usa ka gobyerno nga nakapakita og dako-kaayong pagkadikasaligan sa panalapi. Sa ilang hunahuna ang gobyerno sa samang-bahin utangan nila og panginabuhian o kadto nga kausaban magdala sa usa-ka-butang nga ilang gitinguha—kalipay. Ang usa ka labawng-maayong kahimtang anaa ra sa duul gayud.

Kining mga tawhana gikan pa sa halayong mga dapit (ang uban sa katawhan kinsa sa tataw dili mga adunahan, ang uban kinsa sa tataw mga adunahan)—tanang matang sa katawhan. Sila nahisama sa mga karnero. Sila nangita sa usa-ka-butang nga sila sa tataw wala nakakaplag.

Unya ako misugod sa paghunahuna sa Jeremiah, kapitulo 17, sugod diha sa bersikulo 5. Kining yugtoa nagahulagway sa tukma sa unsa ang gipakita sa katawhan niining nasora. Wala sukad ako makakita diha sa telebisyon ingon kadaghan sa katawhan nga gikan sa tanang hut-ong sa katilingban kinsa adunay susama kadako nga panginahanglan. Tungud kay sila dili makahubit sa ilang mga panginahanglan mahitungud sa barahanong-pamatasan, sama sa imong mahimo, sila nangita sa usa ka tawo alang sa pagsulbad sa ilang mga problema. Sila nagpaabot sa gobyerno sa pagbuhat og usa-ka-butang alang kanila. Sila nagpangita sa katawhan nga magwarawara sa usa ka mahikanhong baston ug maghatag kanila sa unsay ilang gusto sa paghimo kanilang malipayon.

Gikan sa Jeremiah 17:5 gusto ko nga imong masabtan, isip usa ka magtotoo diha ni Jesu-Kristo, unsay nahitabo dinhi niining espesyal nga adlaw sa inagurasyon. Kita nabuhi sulud sa Kapanahonan sa Simbahan, ang dispensasyon sa ordinaryong magtotoo, kanus-a diin ang Dios misangkap og labaw pa alang kanimo kay sa labing-bantugan nga mga

bayani sa Karaang Testamento.² Ikaw adunay usa-ka-butang nga labaw pa sa bisan-unsang bili nga masukud sa tawo.

Sigurado ako nga daghan niadtong katawhan didto sa inagurasyon nakadungog sa Ebanghelyo; sigurado ako nga daghan kanila mga magtotoo. Apan sila naladlad sa daghan kaayong mini nga doktrina mao nga sila walay konsepto og asang-dapita ang ilang barahanong-pamatasan nahimutang.

Busa nagaingon ang Ginoo, “Tinunglo mao ang tawo kinsa nagabutang sa iyang kompiyansa diha sa tawo ug nagahimo sa kinaiyang makasasala nga iyang kusog, mao nga ang iyang kasingkasing nagapahilayo gikan sa Ginoo. Kay siya nahisama sa usa ka nagligidligid-nga-sagbot sa disyerto.” (Jeremiah 17:5–6a)

Daghang natawo-pag-usab nga mga magtotoo nahulagway niining paagiha, sama sa daghang dimagtotoo. Niadtong liboan nga nagsaoysoy karong-gabhiona sa Washington, D.C., nangita alang sa kalipay, nagtambong sa nagkalainlaing mga parti, sa mga salusalo, sa tanang kasaulugan sa kausaban—sila mibutang sa ilang paglaum diha sa kausaban, apan ang kausaban usa ka mini nga paglaum. Sa unsang-paagiha man sila gihulagway sa Kasulatan? Sila “mga nagligidligid-nga-sagbot.”

Sa habog og disyerto nga nasod, sa gihabogon nga

2. R. B. Thieme, Jr., *Ang Divine nga Laraw sa Kasaysayan: Mga Dispensasyon ug ang Simbahan* (Houston: R. B. Thieme, Jr., Bible Ministries, 2018). Sa umaabot, ang mga sangang-reperensiya sa akong mga libro mokutlo lamang sa ngalan, ulohan, petsa sa publikasyon (labot sa nag-unang reperensiya), ug (mga)panid.

labing minos 2,500 piye, ikaw makalantaw sa tulo ka direksiyon ug makita ang kabukiran. Pagkaanindot sa talanawon! Ang mga kabuntagon mabugnaw, ang mga panahon-sa-adlaw maigang, ug ang kahanginan maghurus halos sa wayhunong.

Sa dihang ako usa ka batan-ong opisyal sa mangabayong kabalyeriya didto sa Fort Bliss, kami magasongsong, magkabayo, sa sunudsunud nga tropa, paingon sa usa ka pagbansaybansay sa gubat. Ang hangin magahurus. Ang among mga kabayo magpanagana ug magpalikud samtang ang gatosan ug gatosan sa mga nagligidligid-nga-sagbot, sama sa usa ka dagsang sa nagsulong nga mga tropa, magahurus tadlas sa among agianan. Ang mga nagligidligid-nga-sagbot walay mga gamut; sila dalingmadala sa bisan-unsang hangin nga nagahurus. Sa akong pagtoo kon ang mga nagligidligid-nga-sagbot aduna pay mga kalag, sila magapangita og usa ka dapit sa kahayag ug sa pagpagamut.

“Kay siya mahisama sa usa ka nagligidligid-nga-sagbot sa disyerto ug siya dili makakaplag og kauswagan.” (Jeremiah 17:6a, b)

“Kauswagan” mao ang Hebreyo nga pulong (*tov*), katumbas ngadto sa Griyego nga (*agathos*), nagkahulugan og “pagkamaayo nga may lunsay nga bili.” Kini mahimong hubaron og “bililhong-butang.”

“Siya dili makakita sa bililhong-butang sa dihang sila moabut; tungud kay siya magapuyo diha sa uga nga mga dapit.” (Jeremiah 17:6b, c)

Adunay daghang rason nga ang katawhan dinhi nga sinaligang nasod nagpuyo diha sa uga nga mga dapit. Kini waykalabutan sa unsay ilang nahuptan sa kinabuhi. Kini waykalabutan sa ilang kahimtang sa panalapi, o sa ilang trabaho, o sa usa ka kakulangon. Kini waykalabutan sa bisan-unsang matang sa tawhanong seguridad. Katawhan nga may tawhanong seguridad, katawhan nga walay tawhanong seguridad magpuyo diha sa uga nga mga dapit. Ang rason gihatag diha sa nag-unang bersikulo: Ang “kasingkasing nagapahilayo gikan sa Ginoo.” Ang matag-usa nangita sa kasigurohan. Adunay usa ka dako-kaayong pagkabalisa sulud sa nasod karong-panahona. Ang matag-usa nagatinguha og kausaban! Apan ang kausaban sa tawhanong kahimtang dili makatabang. Kadto lamang nga malig-on ug naugmad sa doktrina sa Bibliya ang makatanyag sa kahamugaway ug kalipay. Ang doktrina nagapalikay sa katawhan gikan sa pagkahimong mga nagligidligid-nga-sagbot diha sa disyerto.

“Kay siya mahisama sa usa ka nagligidligid-nga-sagbot sa disyerto, kay siya dili makakita sa absolutong pagkamaayo [bililhong-butang] sa dihang kini nagaabut; siya magapuyo diha sa uga nga mga dapit taliwala sa disyerto.”
(Jeremiah 17:6)

Gawas lamang sa uga nga mga dapit, ang disyerto mahimong usa ka dapit sa kajibulungan ug katahum. Ang trahedya mao nga ang uga nga mga dapit maghulagway dili lamang sa waypagtoong katawhan, kundili usab sa mayoriya sa natawo-pag-usab nga mga magtotoo sulud sa panahon nga atong gipuy-an. Sa dihang akong nakita diha sa telebisyon karong-gabhiona ang katawhan nga

nangatulog diha sa kasagbotan sukad pa sa kaadlawon aron nga sila mahimutang diha sa tukmang dapit alang sa pagtan-aw sa inagurasyon ug sa parada, ug sa tanang panaghudyaka—katawhan nga mibutang sa ilang paglaum diha sa mga saad sa usa ka tawo—hunahuna nako, unsa ka makapasubo-kaayo sa paghunahuna nga kining mga tawhana hilabihan kaduul ug apan hilabihan kalayo gikan sa kamatuuran sa Pulong sa Dios, nga hilabihang kasayon magamit sa atong nasod. Sila magpuyo lamang diha sa uga nga mga dapit taliwala sa disyerto.

Sila wala masayod nga ang divine nga pangsulbad-sa-problema nga kahimanan mao ang hinatag-sa-Dios nga paagi sa paggamit og nametabolisar nga doktrina alang sa kasinatian ug magsangkap sa bugtong perpekto nga kalikupan sulud sa kalibutan karong-panahona. Kana nga kalikupan anaa sulud sa kalag.

Karon ikaw nga adunay doktrina sa Bibliya sulud sa imong kalag andam na sa pagsabut sa kahulugan niining adlaw sa inagurasyon sa ikakuwarentay-dos nga Presidente sa United States. Ikaw adunay oportunidad sa pag-ila og unsa ang tinud-anay nga hitabo tungud kay ikaw nakabaton nianang perpektong kalikupan sa kalag—nametabolisar nga doktrina nga nagliyok diha sa pito ka kompartamento sa dagaydayan sa kahibalo. Ang tanang kinasingkasing nga emosyon sa kalibutan, tanang pangindahay alang sa usa ka masmaayong kinabuhi dili makasulbad sa mga problema niining nasora. Wala gayuy makapuli alang sa perpektong kalikupan sa kadaitan ug katagbawan, nga mahimong malalang lamang sulud sa kalag sa natawo-pag-usab nga magtotoo. Kana nga perpektong kalikupan mao ang doktrina sa Bibliya, nametabolisar nga doktrina diin nagagikan ang pangsulbad-sa-problema nga kahimanan. Ang pangsulbad-sa-problema nga kahimanan dili

lamang maggamit og doktrina alang sa kasinatian kundili usab magsangkap sa bugtong perpektong kalikupan nga magamit hangtod sa Ikaduhang Pag-abut ug sa paghari sa milenyo ni Jesu-Kristo.

“Bulahan [pagkamalipayon] ang tawo kinsa nagasalig diha sa GINOO Ug kansang pagsalig mao ang GINOO.” (Jeremiah 17:7, NASB)

“Pagkamalipayon” mao ang passive voice diha sa Hebreyo. Ang kalipay dili usa ka daklit nga kahimtang. Ang kalipay usa ka proseso nga nagaugmad ug nagapadayon diin ang labing-daghan sa nametabolisar nga doktrina nagakaylap sulud sa imong kalag. Ang pangsulbad-sa-problema nga kahimanan dili lamang magamit sa imong kasinatian diha sa makanunayong sukaranan, kundili sa susamang higayon magmugna sa kalikupan, sa motibasyon, ug sa bililhong-butang ang Dios nagatinguha alang kanato sa pag-angkon.

Samtang ako mitan-aw sa inagurasyon, ako nakahunahuna kaninyo kinsa sa makanunayong mikat-on sa doktrina sa Bibliya. Pagkalahi gayud tali kaninyo ug niadtong katawhan kinsa nangandoy pag-ayo alang sa kausaban, nangita sa paglaum, nag-agad diha sa tawo samtang ang Dios nagaingon pagtunglo mao ang resulta sa pagsalig diha sa tawo. Ang uban kaninyo makakaplag sa maong tunglo nga matuud samtang kamo maagaron diha sa bana, sa asawa, sa higala. Kamo maagaron sa usa-ka-tawo sa inyong hunahuna makapausab sa tanan alang kaninyo, apan sila wala makapausab. Kamo wala migamit sa doktrina.

Ako usahay makakita diha sa pipila sa inyong mga panagway sa susamang butang nga akong nakit-an niadtong

duut-sa-katawhan. Kamo moanhi sa simbahan kon anaa sa ‘kalisud,’ ingnon ta. Kamo gusto sa makausa nga inspirasyon, usa ka relihiyosong kasinatian, ug unya kamo mangahanaw sa paghimo sa imong kaugalingong gusto. Dili kini mahimo.

“Pagkamalipayon mao ang tawo [ang mag-totoo] kinsa nagasalig [*batach*] diha sa Ginoo.”
(Jeremiah 17:7a)

Salig mao ang qal imperfect sa punglihok nga *batach* diha sa Hebreyo. Kini nga pulong gigamit alang sa pagtoopahulay nga pagbansaybansay. Dugang pulong, (*aman*), maoy gigamit alang sa kaluwasan pinaagi sa pagtoo. Bisan gani ang Griyego nagatugbang sa titik *aman* sa mao gihapon.

Karon si Abraham mitoo [*aman*] diha sa Ginoo; ug kini gipahinungud ngadto sa iyang kaayohan alang sa pagkamatarong. (Genesis 15:6)

Pagtoo dili lamang ang barahan alang sa Karaang Testamento nga kaluwasan kundili ang barahan alang sa kaluwasan sa tanang-panahon. Ang hipil stem sa *aman* mao ang pulong gigamit alang sa pagtoo diha ni Ginoong Jesu-Kristo. Unsa ka dako sa pagtoo ang gikinahanglan aron nga maluwas? Labaw lamang og diyutay kay sa wala gayud. Sulud sa praybasi sa imong kaugalingon nga kalag, ikaw makasulti sa hilum ngadto sa Dios nga Amahan ug mag-ingon, Amahan, ako mitoo diha ni Jesu-Kristo. Mao ra kana. Unsa kadako kana nga pagtoo? Labaw lamang og diyutay kay sa wala gayud.

Sa pagtandi, *batach* mao ang pagtoo sa usa ka mag-

totoo nga naggamit sa mga saad sa Dios ngadto sa mga problema. Ako kining gitawag og pagtoo-pahulay nga pagbansaybansay. Si Abraham migamit og pagtoo-pahulay. Ang tanan nga bantugang mga bayani sa Karaang Testamento mipuyo sa pagtoo-pahulay nga kinabuhi. Kita, usab, makahimo pag-angkon sa pagtoo-pahulay.

“Pagkamalipayon mao ang tawo kinsa nagsalig diha sa Ginoo.” (Jeremiah 17:7a)

Ang pagtoo-pahulay nga pagbansaybansay, usa sa pangsulbad-sa-problema nga kahimanan, nagatukod og bilil-hong-butang. Ang pagtoo-pahulay nga pagbansaybansay nagagamit og nametabolisar nga doktrina sa Bibliya, nagagawi sa mga saad ngadto sa kasinatian, ug nagagamit sa mga makatarunganong-pasikaran sa doktrina.

Asa man nimo gibutang ang imong paglaum? Ang paglaum diha sa Bibliya nagakahulugan og *kompiyansa*. Asa man ang imong kompiyansa? Diha sa tawo? Bag-ohay lamang nato nakita diha sa Jeremiah 17:5 nga ang kompiyansa diha sa tawo maoy “pagkatinunglo.” “Pagkatinunglo” maoy anaa sa passive voice og nagtumbok nga kini usa ka proseso, maingon sa pagkab-ot sa malungtarong kalipay nga usa ka proseso. Ang kalipay usa ka proseso tungud kay ikaw dili makahimo sa pagpahimutang sa pangsulbad-sa-problema nga kahimanan diha. Ang pagkat-on ug paggamit sa doktrina sa Bibliya nagakinahanglan og taas-nga-panahon; kini usa ka proseso—diyutay karon, diyutay ugma, diyutay sa sunud adlaw. Ang doktrina sa Bibliya matag adlaw mao ang atong kinabuhi, atong panalagin, atong kapasidad alang sa pagkinabuhi, atong kompiyansa, atong gugma, ug atong kalipay.

“Pagkamalipayon mao ang tawo kinsa nagsalig diha sa Ginoo; busa, ang Ginoo maoy iyang [matngoni ang paghubad] kompiyansa.”
(Jeremiah 17:7)

Ang bibliyanhong pulong alang sa paglaum nagakahulugan og kompiyansa, absolutong kompiyansa diha sa usa ka kahibulongan nga plano, sa pagkasakup sa maong plano, adunay temporal nga impak, apan labaw pa kaayo kamahinungdanon, waykatapusang mga sangputanan. Ikaw mohunong sa pagdagandagan ug sa pagpangita alang sa paglaum, sa pagpangita sa ubang tawo alang sa pagtagbaw sa bisan-unsang-matang sa imong mga paglaum, imong mga pangandoy, imong mga kaibog; ikaw tingali nangita sa usa ka trabaho, nangita sa usa ka paglaktod alang sa katigayunan—nangita apan wala masayod og unsay imong gipangita. Gusto nakong singgitan kadtong katawhan didto sa inagurasyon, Kamo nagpahimutang sa inyong kompiyansa diha sa sayup nga butang! Kamo nag-agad diha sa usa ka tawo! Kamo nag-agad diha sa usa ka gobyerno! Kamo nag-agad diha sa usa ka organisasyon nga nakapakita og usa ka talagsaong gidak-on sa pagkadili-takus! Ang politikanhong kabag-ohan dili makapausab sa bisan-unsang. Kausaban nagakahulugan lamang sa usa ka lahi nga grupo sa diperpektong katawhan nga magsangpot uban sa susamang karaan nga pagkadili-takus, susamang karaan nga kaibog sa gahum. Kon ikaw maagaron diha sa katawhan, ikaw sulud sa proseso sa pagkatinunglo. Apan kon ikaw maagaron diha sa Dios, ikaw sulud sa proseso sa pagkabulahan.

Ang pagkabulahan pinaagi sa doktrina sa Bibliya nga gigamit sa imong kinabuhi nagapahimo kanimo nga usa ka dimakitang bayani, usa ka Kapanahonan sa Simbahan nga

magtotoo nga may positibong impak pinaagi sa personal nga pagtuman sa plano sa Dios.³ Kana nga konsepto ang bugtong paagi nga aduna gayuy mahimong kausaban nga nagapatuman sa prinsipyo,

“Pagkamalipayon mao ang tawo kinsa nagsalig diha sa Ginoo; busa, ang Ginoo maoy iyang kompiyansa. Siya mahisama sa usa ka kahoy nga gitanum duul sa tubig.” (Jeremiah 17:7–8a)

“Tubig” nagapasabut sa doktrina sa Bibliya. Ang tubig nagapahimo sa kahoy sa pagtubo.

Pagtubo pinaagi sa grasya ug sa kahiralo sa atong Ginoo ug Manluluwas nga si Jesu-Kristo. (2 Pedro 3:18a)

“Siya mahisama sa usa ka kahoy nga gitanum duul sa tubig ug duul sa usa ka agos; siya mopagula og mga gamut.” (Jeremiah 17:8a, b)

Unsa ang kalainan tali sa tubig ug sa agos? “Tubig” mao ang tibuuk kanon sa Kasulatan. Ang “agos” doktrina sa Bibliya nga ikaw natudloan diha sa makanunayong pasikaran. Sa agos diin ikaw magkuha sa gamut. Ang mga gamut mao ang pangsulbad-sa-problema nga kahimanan diin maghimo sa kahoy nga lig-on. Ikaw dili mahimong usa ka “nagligidligid-nga-sagbot.”

3. Thieme, *Ang Divine nga Laraw sa Kasaysayan*, 218–22; *Ang Plano sa Dios* (2017).

Karon timan-i ang katapusang katunga sa bersikulo 8.

“Busa, siya dili mahadlok sa higayon nga ang kainit nagatungha.” (Jeremiah 17:8c)

Ngano man ang magtotoo sa pagkamalipayon walay kahadlok? Ang kahadlok, uban sa pagbating-sad-an, usa ka dugtongdugtong nga mga sala sa emosyon. Ang duha ka sala nga magkauban maoy magun-ubon sa imong espirituhanon nga kinabuhi. Ikaw dili makaatiman sa mga kalisdanan sa kinabuhi sulud sa kahadlok, ni ikaw mapadasig pinaagi sa pagbating-sad-an. Ang pangsulbad-sa-problema nga kahimanan magtangtang sa kahadlok ug pagbating-sad-an isip ditinuud nga motibasyon.

“Busa, siya dili mahadlok sa higayon nga ang kainit nagatungha.” (Jeremiah 17:8c)

“Kainit” mao ang gawasnong kabug-at sa kalisdanan. Ang pangsulbad-sa-problema nga kahimanan diha sa barikada sa depensa sa kalag magpugong sa gawasnong mga kalisud sa kalisdanan gikan sa pagkahimong suludnon nga mga kabug-at sa kalisud sulud sa kalag.

Unsa ka makapatugaw nga makita ang katawhan sa kalit mapadasig diha sa ditinuud nga mga pagdahum. Ang masdako nga ditinuud nga pagdahum, masmodako ang kahigawad. Gikan sa hilabihang kahigawad nagasunud ang sayup-nga-ilusyon ug reaksiyon. Ang kahigawad sa kanunay anaa diha sa tawhanong kasaysayan, nga may usa ka eksepsiyon. Kon ang imong pagdahum gikan sa Ginoo, ikaw dili gayud mahigawad.

“Busa, siya dili mahadlok sa higayon nga ang

kainit nagatungha kay ang iyang mga dahon
malunhaw sa kanunay.” (Jeremiah 17:8c, d)

“Mga dahon” maoy usa ka kaamgiran alang sa pangsulbad-sa-problema nga kahimanan sulud sa imong kalag ug “malunhaw sa kanunay” mao ang paggamit sa pangsulbad-sa-problema nga kahimanan sa kinabuhi.

“Siya dili mabalaka diha sa tuig sa depresyon
ug siya dili gayud masipyat sa pagpamunga.”
(Jeremiah 17:8e)

Sa “pagpamunga” mao ang dimakitang impak sa mag-totoo nga nagtubo pinaagi sa grasya, naglihok ubus sa iyang kaugalingon mismo nga espirituhanong kinabuhi, ug nagtuman sa protokol nga plano sa Dios sulud sa Kapanahonan sa Simbahan. Ang nagpamunga alang kanato karong panahona mao ang dimakitang impak sa dimakitang bayani.

Diin wala *ang* panglantaw, ang katawhan ma-hanaw: apan siya nga nagasunud sa balaod, siya *maoy* malipayon. (Mga Proberbio 29:18, KJV)

Unsay kahulugan sa katawhan sa pagbaton og usa ka panglantaw? Ang Hebreyo nga pulong mipasabut sa orihinal ngadto sa mga sinulat o sa mga mensahe sa mga propeta sa Israel ug, sa piho, ngadto sa mga mensahe nga gikatala ug nahimong kabahin sa Pulong sa Dios. Kini wala nagasalikway sa kamatuuran nga ang mga propeta sa Israel usab adunay dugang pang mga mensahe ngadto sa katawhan; sila wala matala tungud kay sila

walay kalambigitan sa umaabot nga mga henerasyon. “Panglantaw” nagapasabut ngadto sa unud sa mensahe sa mga propeta ug kadto nga unud mao ang doktrina sa Bibliya.

Diin wala ang divine nga komunikasyon [diin wala ang doktrina sa Bibliya], ang katawhan mahanaw. (Mga Proberbio 29:18a)

Ang niphal imperfect sa (*para'*), “mahanaw,” nagakahulugan og sa “pagbuhi, sa pagpatuyang,” dili ang pagkamatay sa pisiko, kundili ang mahimong “dipinugngan” o “dili mabadlong”—sa pagbuhi uban sa kahulugan sa pagtugot sa usa-ka-butang nga makaipsot sa imong mga tudlo. Diin wala ang doktrina, ikaw magtugot sa kalipay ug panalangin nga makaipsot sa imong mga tudlo. Mahanaw, tungud-niini, nagakahulugan og mahimong dimapanton ug ignorante. Ang dimapanton nga katawhan maoy sagad ignorante. Ang ilang pagkaignorante sa doktrina sa Bibliya nagapadasig sa ilang pagkadili-mapanton, sa ilang pagkawalay pagpugong.

Nan siya nga nagaguwardiya [nagatuman, nagasunud, nagapadayon sa pagsunud] sa balaod. (Mga Proberbio 29:18b)

Ang adversative vowel plas ang qal active participle sa (*shamar*) nagakahulugan og “sa pagguwardiya, sa pagsunud, sa pagpadayon diha sa pagsunud, sa pagpadayon diha sa pagtuman,” busa sa paglahutay diha sa pagsabut ug pagmetabolismo sa doktrina. Kini dili gayud sa makausa nga pagpatigayon lamang, kanus-a diin ikaw magkinahanglan sa usa ka espirituhanong ‘pag-ayo’ sa di-

hang ang mga kahimtang anaa sa kadaot, kundili sa maka-nunayon nga pagsabut sa doktrina.

Ang pulong “Balaod” gigamit alang sa tibuuk Balaod ni Moses. Ang nag-unang lima ka libro sa Karaang Testamento, gisulat ni Moses ug gitawag og *Pentateuch*, maglakip sa espirituhanon, katilingbanon, ug divine nga katukuran nga mga balaod sa Israel, dili lamang ang Napulo nga mga Kamandoan. “Balaod” sa ngadtongadto misangpot sa pagpasabut ngadto sa pagtulon-an sa mga doktrina sa Pulong sa Dios nga anaa niadtong-panahona.

Busa ang Mga Proberbio 29:18b mahimong hubaron og,

Malipayon siya kinsa nagasunud [o nagaguardiya] sa balaod [ang pagtulon-an sa doktrina].

Kon gigamit diha sa pamalak, ang Hebreyo nga pulong alang sa “doktrina” nagakahulugan og pagtulon-an sa kaalam. Ug sulud sa Libro sa Mga Proberbio, ang matag bersikulo maoy pamalak.

Ang pungan nga (*’esher*) gihubad og “malipayon” o “pag-ambit sa kalipay sa Dios.” Ang kalipay ug katagbawan magsangpot lamang pinaagi sa paggamit sa divine nga kaalam ngadto sa kalisdanan ug kauswagan.

Diin wala ang komunikasyon sa divine nga pinadayag, ang katawhan walay pagpugong [sila mangita sa usa-ka-butang], apan siya nga nagasunud sa pagtulon-an sa doktrina, siya malipayon. (Mga Proberbio 29:18)

Walay nasod nga nagalungtad og dugay nga dili makabaton og usa ka nasudnong krisis, ug tinuud kana ilabina

sa usa ka sinaligang nasod sa Dios. Wala gayud kanang butanga sama sa Kristohanong nasod, ug dili gayud mahitabo. Ang mga nasod dili mahimong Kristohanon; mga tawo lamang ang mahimong Kristohanon. Pinasikad sa Hudeyong-Kristohanon nga kapanulundanan ang magtutukod nga mga katigulangan misangkap alang sa kagawasan sa rilihiyon sulud sa Konstitusyon sa United States. Bisan pa daghan sa mga lumulupyong niining nasora magangkon sa Kristiyanismo, ang mga balaod sa divine nga katukuran, diin ang Konstitusyon gibasi, gipahimutang alang sa pagsiguro sa proteksiyon, kalungtaran, ug panalangin sa mga Kristohanon ug mga dili-Kristohanon sa samang-paagi. Ang kagawasan sa rilihiyon nagaagad diha sa pagkabulag sa simbahan ug istado (Mateo 22:21; cf. Mga Taga-Roma 13:1–7). Ang Kristiyanismo dili mahimong ipugus diha sa katawhan. Ang Kristiyanismo dili pinugus gayud. Ang unang katunga sa kapilian mao ang pagpaminaw sa Ebanghelyo ug magtubag:⁴

“Siya nga nagatoo diha sa Anak si Jesu-Kristo adunay waykatapusang kinabuhi [ug kana usa ka kapilian; kini dili mahimong ipamugus].” (Juan 3:36a)

Alternatibo mao ang:

“Siya nga wala nagatoo dili makakaplag sa kinabuhi apan ang kaligutgut sa Dios nagapabilin diha kaniya.” (Juan 3:36b)

4. Thieme, *Usa ka Butang mahitungud sa Kinabuhi ug Kamatayon: Ang Ebanghelyo ni Jesu-Kristo* (2014).

Sa usa ka sinaligang nasod sa Dios anaa ang tinguha sa pagsangyaw sa Ebanghelyo, sa paghatag sa katawhan og kahigayonan sa pagpaminaw, sa pagdawat o pagsalikway ni Jesu-Kristo. Dios nga Balaang Espiritu ang waykinutubang tagdumala sa personal nga pagwali-sa-ebanghelyo. Nagakahulugan nga ang pagpangaliyupo, pagdanguyngoy, pagtiyabaw, pamugus sa bisan-unsang matang—pagduul sa atubangan, pagwarawara sa imong kamut, sa pagbuhat sa usa ka malisud nga han-ay sa kalihukan aron sa pagkab-ot sa usa-ka-butang—maoy waykapuslanan. Ang atong responsibilidad mao ang paghimo sa Ebanghelyo nga tataw.⁵ Ang katungdanan sa Dios nga Balaang Espiritu mao ang paghimo sa atong pagtoo nga epektibo alang sa kaluwasan. Uban sa Balaang Espiritu isip ang waykinutubang tagdumala sa pagwali-sa-ebanghelyo kita makahimo lamang sa isyu nga tataw ug wala nay lain pa. Alang sa katawhan nga mag-ingon, Kita maghimo og usa ka Kristohanong nasod, kita magpalabang og Kristohanong mga balaod, maoy pagpanglupig. Usa sa mga makalilisang sulud sa panahon diin kita magpuyo mao nga ang natawo-pag-usab nga mga magtotoo kinsa wala magbaton og doktrina sa Bibliya, wala magbaton og pangsulbad-sa-problema nga kahimanan, ug wala makasabut sa plano sa Dios alang sa ilang mga kinabuhi malagmit magsalmot sa pagpanglupig sa Kristohanong aktibismo.

Diin wala ang komunikasyon sa divine nga pinadayag, ang katawhan dili kapugngan ug ignorante. (Mga Proberbio 29:18a)

Ang mga Kristohanon nga ignorante og unsa ang ikatudlo

5. Thieme, *Pagsaksi* (2017).

sa Pulong sa Dios mahimong dili kapugngan nga mga aktibista. Gumikan sa ilang legalista nga kasibot alang sa pagtul-id sa unsay ilang gitoohan nga sayup, sila magguba sa mga reputasyon, kabtangan, ug bisan gani sa mga kinabuhi niadtong kinsa magsupak diha kanila.

Ang Dios mihatag kanato sa kinamaayohang plano sulud sa kalibutan, hinonnoa wala gayuy pagpugong niini nga mga magtotoo kinsa nahilambigit diha sa aktibismo. Pinaagi sa aktibismo, ako wala magpasabut sa pagboto, ako wala magpasabut og pag-apil diha sa politikanhong mga kalihukan nga maykalabutan ngadto sa proseso sa panggobyerno niining nasora. Apan ako magpasabut sa duut-sa-katawhan taliwala sa karsada, nagsinggit ug nagsiyagit ug nagguba sa kabtangan, bangis ang pagkatig-a sa ilang batasan ngadto sa uban. Sulud sa Kristohanong kinabuhi wala gayuy dapit alang sa aktibismo.

Ang gahum sa Kristiyanismo dili politikanhon o makita, kundili espirituhanon ug dimakita. Ang Kristohanong paagi sa kinabuhi nagalihok sulud sa protokol nga plano sa Dios alang sa Kapanahonan sa Simbahan. Ang impluwensiya gikan sa dimakitang bayani mao ang bugtong paagi niining nasora nga makadala gayud og panalangin alang sa iyang mga lungsuranon. Ikaw kinahanglan magpatuman sa protokol nga plano sa Dios ug mahimong usa ka myembro sa pivot, ang hamtong sa espirituhanon nga mga magtotoo sulud sa usa ka sinaligang nasod. Kini ang dispensasyon sa dimakitang mga bayani kinsa ang matuud nga paglaum alang niining nasora.⁶

Usa sa labing talagsaon nga hugna-sa-panahon sulud sa kasaysayan nahitabo diha sa Romanhong Imperyo tali sa A.D. 96 ug 192 atol sa panahon sa Antonine caesars.

6. Thieme, *Kagawasan pinaagi sa Sundalanhong Kadaugan* (2018).

Niadtong panahona, ang Mediterranean ug ang tanang naglibot nga kayutaan lakip sa Amihanang Africa maoy ubus sa pagkontrolar sa gingharian sa Roma. Dul-an sa usa ka siglo diyutay ra sa mga tropa ang makit-an gayud sulud sa imperyo. Ug ang gikan sa layo nga mga panagsangka sulud sa Tigris ug sa Euphrates (nga makita sa Iraq karong-panahona), sulud sa Rhine ug sulud sa Danube halos wala makatugaw sa mga mahinungdanong-bahin sa Mediterranean sulud sa imperyo. Unum ka emperador o caesars ang mihari sa SPQR, *Senatus Populusque Romanus*, “ang Senado ug ang katawhan sa Roma,” sa ingon ang mga Romano mitawag sa ilang-kaugalingon. Sila adunay usa ka bandila, usa ka bandera nga gidayandayanan uban sa SPQR. Ang unum ka Antonine caesars mao sila Nerva, Trajan, Hadrian, Antoninus Pius, Marcus Aurelius, ug Commodus. Walay bisan usa ka natawo-pag-usab nga magtotoo. Ug ang katapusang duha ka emperador sa mabangis nga milutos sa mga Kristohanon.

Bisan pa ang natawo-pag-usab nga mga magtotoo adunay kalabutan sa tanan nga kauswagan niadtong panahona. Ang natawo-pag-usab nga mga magtotoo misugod sa pivot sa Ephesus sulud sa Romanhong probinsiya sa Asya (sa ingon ang Kasadpang Turkey gihinganlan niadtong panahona). Bisan og ang kalakin-an nga mihari sa Roma sa kasagaran mga dimagtotoo, ang matag-usa miuswag atol niining mabulukon nga panahon sa kauswagan. Ang kababayen-an tinahod, adunay usa ka mabaskog nga ekonomiya, usa ka makapadasig nga katilingbanong kinabuhi, ug usa ka lig-on nga espirituhanong kinabuhi taliwala sa mga magtotoo, uban sa talagsaong kauswagan. Ngano man? Tungud sa usa ka piho nga gidaghanon sa ordinaryong mga magtotoo mipatuman sa protokol nga plano sa Dios ug nahimong sinugdanan sa usa ka pivot.

Ang pivot wala malalang sulud sa Roma; ang pivot nalalang sulud sa Ephesus una pa kaayo sa wala pa ang Ottoman Turks mipukan sa lugar. Ang Asya Minor usa ka maanindot nga dapit napuno sa nagkahamtong nga mga magtotoo.

Si Edward Gibbon, ang English nga magsasaysay sa katapusang siglo, misulat sa kasaysayan sulud sa lima ka bolyum labot sa pag-us-us ug pagkalaglag sa Romanhong Imperyo. Gitoohan ni Gibbon nga ang usa ka tawo, kon tugotan sa iyang katungud-pagpili, palabihon pa nga ma-buhi niadtong panahon sa Antonine caesars labi pa kay sa bisan unsang hugna-sa-panahon sa kasaysayan. Ang German nga magsasaysay, si Theodor Mommsen, usa ka propesor sa Romanhong balaod, usab nagahulagway niining panahona sama sa Panahon sa Kauswagan. Sa pagbatbat-pagbalik kaniya gikan sa German: Kini nga imperyo mipasiugda sa kalinaw ug kauswagan alang sa daghang kanasuran nga sakup sa gingharian sa Roma sa mastaas ug sa labi pang hingpit kay sa bisan unsa nga nangunang kagahum nga milampos gayud sa pagbuhat.

Unsa ka kahibulungan nga ang usa ka pivot magsugod gayud pag-una sa Ephesus ug unya maglukup sa tanangbahin sa imperyo. Kini kulbahinam nga ang kanon sa Kasulatan nakompleto niadtong A.D. 96, ang mismong tuig nga si Nerva nahimong emperador. Ug ang lig-ong-kusog sa espirituhanong kinabuhi sa pivot maoy talagsaon kaayo nga ang mga panalangin ngadto sa imperyo milungtad sulud sa halos usa ka gatos katuig. Tingali niining-tungura ikaw makasugod sa pagsabut sa impak gikan sa usa ka pivot uban sa barahanong-pamatasan nga naangkon pinaagi sa pagkat-on sa plano sa Dios alang sa imong kinabuhi.

Unsa may importante alang kanimo? Buut ba nimong maapil diha nianang mapasundayagon nga eksena diin nagalugway gikan sa hataas nga batong-talinis sa

Washington nga Monumento hangtod sa White House? Ikaw ba magbarog didto uban sa divine nga barahanong-pamatasan o ikaw ba, kon interbiyohon, sa yanong magpahayag sa mao ra nga pangandoy, sa tinguha, sa paglaum sa daghan kaayong katawhan nga naghunahuna karon diin adunay usa ka kausaban, ang kinabuhi mahimong manindot?

“Pagkatinunglo [kini usa ka proseso] mao ang tawo kinsa nagabutang sa iyang pagsalig diha sa tawo.” (Jeremiah 17:5a)

Si Clarence Manion, ang dekanong Notre Dame Law School gikan sa 1941 hangtod 1952, misakay sa usa ka ayroplano niadtong panahon sa unang-bahin sa 1950. Usa sa mga pasahero nakamatikud kaniya ug miduul ug milingkod tapad niya. Si Dekano Manion naghimo sa pipila ka buluhaton, apan gikinahanglan niya sa paghiklin niining tanan tungud kay kining tawhana misugod sa paglitok og mga pangutana. Iyang giingnan si Propesor Manion nga siya maoy usa sa labing-bantugan nga mga tigpangatarungan sa atong nasod niadtong panahona. Gusto niyang hisgotan uban sa propesor ang bahin sa makadaot nga kahimtang sa atong nasod. Nan si Dekano Manion naminao sa mapailubon, nakighinabi uban kaniya, ug unya misugod sa pagsulat samtang ang tawo nagsugilon.

Samtang ang ayroplano mitugpa siya mibarog, nakiglamano diha sa tawo, kinsa sa ikaduhang-higayon miingon ni Dekano Manion unsa kaanindot nga pribilihiyo kini sa pagpakigsultihay uban sa usa ka tawo nga may salabutan sama niya. Si Dekano Manion mipahiyom, mipasalamat kaniya, ug mitunol kaniya sa usa ka piraso sa papel diin siya misulat niining mga pulonga:

Ang tawo nagasugod sa iyang kinabuhi diha
 sa *kaulipnan*,
 ug nagausbaw gikan sa kaulipnan pinaagi sa
espirituhanong pagtoo,
 gikan sa espirituhanong pagtoo ngadto sa
kaisog,
 gikan sa kaisog ngadto sa *kaugalingnan*,
 gikan sa kaugalingnan ngadto sa
kamadagayaon,
 gikan sa kamadagayaon ngadto sa *kahakog*,
 gikan sa kahakog ngadto sa *kawalay-*
pagpakabana,
 gikan sa kawalay-pagpakabana ngadto sa
pagkawalay-pagbati,
 gikan sa pagkawalay-pagbati ngadto sa
pagkamaagaron,
 gikan sa pagkamaagaron balik ngadto sa
kaulipnan.⁷

Kini ang liyok sa sibilisasyon. Ang bugtong paglaum sa pagbugto niini nga liyok mao ang magtotoo kinsa nagahatag sa iyang pagtagad ngadto sa Pulong sa Dios.

Siya nga nagahatag og pagtagad ngadto sa
 pulong makakaplag sa kaayohan, Ug bulahan
 siya kinsa nagasalig diha sa GINOO. (Mga
 Proberbio 16:20, NASB)

*Kami mapasalamaton, Langitnong Amahan, alang
 sa pribilihiyo ug sa oportunidad sa pagfellowship diha*

7. Gihubad gikan sa kapaigoan ni Dekano Manion gikan sa *The Decline and Fall of the Athenian Republic* ni Alexander Fraser Tyler, 1748–1813.

sa Pulong; alang sa mga hagit nga magsangpot ngari kanamo pinaagi sa Kasulatan; alang sa barahanong-pamatasan nga kami nakat-on; alang sa talagsaong pagsangkap sa matag usa kanamo isip Kapanahonan sa Simbahan nga mga magtotoo, ang dispensasyon sa ordinaryong tawo. Kami mapasalamaton alang sa talagsaong porpolyo sa dimakitang mga bahandi nga gisangkap alang sa matag usa kanamo sa pag-angkon dili lamang sa espirituhanong impak diha sa kasaysayan, kundili mahasulat sa khangturan didto sa waykatapusang kahimtang isip ang mga ngalan ug ang mga binuhatan sa mga magtotoo kinsa mahimong dimakita nga mga bayani; sa pagsangkap og paglaum alang sa America dili pinaagi sa mga rebolusyon, o kapintas, o kaarogante sa kinaugalingong-kamatarong, dili pinaagi sa krusadong pagkaarogante, o pagsulay sa pag-usab sa mga butang pinaagi sa bisan-unsang matang sa panglupig, dili pinaagi sa Kristohanong aktibismo, o pagsukol sa kagamhanan, kundili pinaagi sa among dimakita nga impak. Tungud-niini, Amahan, bahin sa unsay nahitabo karong-adlaw ug sa unsay nagpanghitabo niining nasora, hagita kami ubus sa prinsipyo sa pagkabulag sa simbahan ug istado alang sa pagtuman sa among espirituhanon nga padulngan ingon sa gisangkap alang kanamo, aron nga kami makabaton gayud sa usa ka lehitimong impak sulud niining nasora nga kami maghigugma gayud kaayo. Unta kami mahimong tinuud nga paglaum alang sa among nasod. Kami mangayo niini pinaagi sa ngalan sa among Ginoo ug Manluluwas, Jesu-Kristo. Amen.

Si ROBERT B. THIEME, JR. (1918-2009) nagapabilin nga usa ka mahinungdanong tingog sa Kristiyanismo sa tibuuk kalibutan. Ang iyang makugihon, mapatin-awong pagtulon-an gibasi diha sa orihinal nga mga pinulongan sa Kasulatan sumala sa makasaysayanong konteksto nga ang Bibliya nahasulat. Ang iyang binag-o nga mga sistema sa bokabularyo, mga ilustrasyon, ug bibliyanhong mga kategoriya sa klaro nga magpahayag sa dimasayup nga mga kamatuuran sa Pulong sa Dios. Si Thieme nakarekord og kapin sa napulog-usa ka libo ka mga oras sa mga sermon ug nakamantala og kapin sa usa ka gatus ka mga libro og naglukup hapit sa Bibliya.

Si Thieme migraduwar sa University of Arizona (Phi Beta Kappa) ug Dallas Theological Seminary (summa cum laude). Ang iyang seminaryo nga mga pagtoon napakgang tungud sa Ikaduhang Gubat sa Kalibutan nga sundalonhong serbisyo atol nga siya misaka ngadto sa ranggo nga tenyente koronel diha sa United States Army Air Corps. Pagkahuman sa iyang nagpadayon-pagtoon nga buhat sa 1950, siya nahimong pastor sa Berachah Church sa Houston, Texas. Ang iyang malukopon nga pagbansay sa Griyego, Hebreyo, teyolohiya, kasaysayan, ug mahitungud sa teksto nga panuki misangkap og pundasyon para sa iyang masuknaong propesyonal nga kinabuhi sa pagtoon ug pagpanudlo sa Pulong sa Dios. Si Thieme miretiro isip pastor sa Berachah Church human sa singkuwentay-tres ka katuigan sa matinud-anong serbisyo.

DOKTRINAL NGA MGA PAGTOON SA BIBLIYA

Doktrina sa Bibliya, ang unud sa pagtulon-an nga gikuha gikan sa literal nga interpretasyon sa mga Kasulatan, mao ang sukdanan sa espirituhanong kamatuuran. Ang pagtoon sa Bibliya nagasangkap og espirituhanong pampabaskog alang sa Kristohanon (Mateo 4:4).

Ang kamahinungdanon sa doktrina sa Bibliya pagahatagan gayud og importansiya (Salmo 138:2). Ang Dios nagasugo sa Kristohanon aron sa pag-usab espirituhanon (Mga Taga-Roma 12:2). Kini nga kausaban nagakinahanglan og adlaw-adlaw nga pagbag-o sa hunahuna pinaagi sa pagkat-on ug paggamit sa Pulong sa Dios (2 Mga Taga-Corinto 4:16; Mga Taga-Efeso 4:23).

Sulud sa daghang katuigan ang doktrinal nga mga klase sa Bibliya nga gitudlo ni R. B. Thieme, Jr., nakasangkap sa espirituhanong pagkaon alang sa iyang kongregasyon. Ang mga publikasyon ug audio ug video nga mga pagrekord sa iyang mga pagtudlo maangkon nga walay bayad o obligasyon. Alang sa pag-order ug kasayuran, palihug sulat o tawag sa Ministries o bisitaha ang website. Usa ka katalogo (sa English) sa doktrinal nga mga pagtoon sa Bibliya ang ihatag pinaagi sa paghangyo.

R. B. THIEME, JR., BIBLE MINISTRIES
P. O. BOX 460829
HOUSTON, TEXAS 77056-8829
www.rbthieme.org
713-621-3740

ANG LIYOK SA
SIBILISASYON

